

POMAK

Pokret za Modernu
i Aktivnu Krajinu



Srcem voli, radom gradi!

***Izborni program
MANDAT 2024 - 2028***

Dragi sugrađani,

Bihać je grad sa hiljadugodišnjom historijom, otvoren i evropski, koji je oduvijek bio spreman da u svoje okrilje primi dobronamjerne ljude koji će ga učiniti boljim. Kao administrativni, obrazovni, kulturni, privredni i turistički centar Krajine ima potrebu za konstantnim razvojem u svim segmentima.

Međutim, ograničeni resursi koji su posljedica ponajviše neravnomjerne i nepravedne raspodjele javnih prihoda unutar BiH usporavaju tempo razvoja. Ipak, domaćinskim odnosom prema javnom novcu, pažljivim planiranjem i strateškim pristupom razvoju, korak po korak, naš grad možemo učiniti ljepšim i ugodnijim mjestom za život. Zbog toga ne možemo dozvoliti stihijski pristup i ulaganja na "kratke staze" bez jasnih ciljeva. Grad Bihać mora imati dugoročnu viziju i strategiju razvoja, povoljnu političku klimu, partnere na višim nivoima vlasti i kontinuitet upravljanja kako bi se zacrtani ciljevi realizirali u najkraćem mogućem roku.

Svako ulaganje mora se pažljivo planirati i u obzir uzeti granična vrijednost novca tako da svaki veći projekat, u bilo kom segmentu, dugoročno mora donijeti određene benefite lokalnoj zajednici, ali i finansijski povrat kako bi se razvojni ciklus mogao nastaviti. Upravo zbog toga zastupamo stav o ravnomjernom ulaganju u projekte koji će dugoročno donijeti novu vrijednost.

Želimo izgraditi nove saobraćajnice na Ceravcima, od Smaragdnog puta napraviti novi turistički brend, raditi na daljenjem razvoju Nacionalnog parka i poslovnih zona, izgraditi nove sportske objekte, insistirati na zelenim projektima, urediti centar grada, realizirati projekte u mjesnim zajednicama, dodatno razviti strategiju Bihać Vibrant City, dodatno raditi na novim mjerama za poboljšanje statusa mladih... Sve pobrojano je itekako ostvarivo i dugoročno može donijeti društvenu i finansijsku korist našoj lokalnoj zajednici.

Također, kako bismo ostvarili konstantan rast i razvoj, bez perioda stagnacije kakve smo kao posljedicu neodgovornog upravljanja imali u proteklom periodu,



potrebno je nastaviti s domaćinskim odnosom prema javnim sredstvima, očuvati budžetsku stabilnost i zadržati redovno servisiranje svih tekućih obaveza Grada.

Uz ovakav pristup ni podrška viših nivoa vlasti Gradu Bihaću neće izostati, a ona je u protekle dvije godine bila veća i konkretnija nego ikada ranije.

Siguran sam da su i Vaše želje za razvoj našeg Bihaća iste. Stoga, vjerujem da Vaša podrška na našem zajedničkom putu do ostvarenja ovih ciljeva neće izostati.

Prilikom Prijevremenih izbora za gradonačelnika Bihaća prije dvije godine predstavio sam šestogodišnji plan i program. Svi, tada predstavljeni projekti, su započeti, a neki su već i realizirani. Pred nama su nove četiri godine i prilika da završimo sve što smo sebi postavili kao zadatke. →



IZGRADNJA NOVIH STRATEŠKIH SAOBRAĆAJNICA

Izgradnjom novih saobraćajnica u dijelovima grada koji su atraktivni za gradnju želimo potaknuti dalju izgradnju, nove investicije i širenje grada. S tim u vezi izrađeni su projekti saobraćajnica S1, S2 i S3 u naselju Ceravci. Za S1 već je proglašen javni interes u svrhu eksproprijacije zemljišta za njenu izgradnju. U periodu ispred nas potrebno je donijeti javni interes za S2 i S3, provesti postupak eksproprijacije zemljišta za sve tri saobraćajnice, a zatim pristupiti i njihovoj izgradnji.



STEPEAN REALIZACIJE:



20%

MODERNIZACIJA POSLOVNIH ZONA KAMENICA I KOMBITEKS

U PZ Kamenica i Kombiteks potrebno je izgraditi komunalnu i saobraćajnu infrastrukturu kako bi se poboljšali uvjeti za poslovanje postojećih i privlačenje novih investitora. U PZ Kamenica do sada je uloženo oko milion KM te je potrebno nastaviti ulagati, dok je u PZ Kombiteks sanirana postojeća saobraćajnica, probijen izlaz na magistralnu cestu, a u toku je i izrada projekta izgradnje nove saobraćajnice, za šta je putem aplikacija na više nivoa vlasti već obezbijeđeno 600.000 KM. U periodu ispred nas ta sredstva će biti implementirana, a potrebno je pristupiti i izradi studije opravdanosti osnivanja bescarinske zone Bihać.

STEPEAN REALIZACIJE:



30%

ULAGANJA U INFRASTRUKTURU MJESNIH ZAJEDNICA

U dvije godine mandata gradonačelnika Elvedina Sedića putem JU Zavod za prostorno uređenje, Grad je realizirao više od 100 infrastrukturnih projekata u gotovo svim mjesnim zajednicama u vrijednosti od preko deset miliona KM. Cilj je u naredne četiri godine investirati još 40 miliona u komunalnu i saobraćajnu infrastrukturu mjesnih zajednica, odnosno realizirati oko 400 infrastrukturnih projekata koje su upravo MZ iskazale kao prioritete. Želimo ispoštovati njihove potrebe svjesni da su upravo mjesne zajednice žile kucavice svakog grada, mjesta gdje se odvija svakodnevni život građana.

STEPEAN REALIZACIJE:



10%

ULAGANJA U NACIONALNI PARK UNA

Zajedničkim nastupom krajiških zastupnika na višim nivoima i gradonačelnika Elvedina Sedića, Vlada FBiH osigurala je dva miliona KM za realizaciju dvaju kapitalnih infrastrukturnih projekata u Nacionalnom parku. Nastavak izgradnje lokalnog puta Čelije – Štrbački buk od strane JP NP "Una" i nastavak izgradnje regionalne ceste K. Vakuf – M. Brod, za šta je zadužena JU Direkcija za ceste USK-a, konačno će saobraćajno povezati dvije najvažnije mikrolokacije u NP i stvoriti uvjete za ostvarenje još većeg broja posjeta. Osim toga, uvećan je redovni grant za funkcionisanje JU NP "Una" dok je Parlament FBiH donio Odluku o pristupanju izradi prvog zonalnog prostornog plana za reon Štrbačkog buka. Sve to nije dovoljno kako bi se dostigao željeni nivo razvoja Parka, te je u narednom periodu potrebno, sinergijom svih nivoa vlasti, nastaviti značajna ulaganja i razvoj Nacionalnog parka.

STEPEAN REALIZACIJE:




20%

Termomineralna voda u Gati po svojoj kvaliteti svrstava se među najbolje ljekovite izvore u Europi. Izgradnja jednog modernog turističko-rehabilitacijskog centra u Gati može biti nukleus razvoja zdravstvenog turizma. Grad Bihać u ranijem periodu je podnio inicijativu da se centar u Gati prebaci na gradski nivo, ali su se Kantonalne vlasti odlučile za vlastita ulaganja u objekat lječilišta i zgradnju fizioterapeutskega bazena. Osim javnih, u Gati postoji ogroman potencijal i za nove privatne investicije i ulaganja, koje jedne druge ne isključuju. Iako je Lječilište u Gati trenutno izvan nadležnosti Grada, u narednom periodu Grad se mora snažnije uključiti i dati svoj maksimalan doprinos kako bi se potencijal Gate iskoristio u svrhu banjskog turizma.



TURISKIČKI BREND SMARAGNI PUT

Nastavak izgradnje šetnica, molova, plaža, urbanog mobilijara i odmorišta kao podstrek razvoju turizma i stvaranju uslova za masovniji dolazak i zadržavanje turista, ali i povećanje kvaliteta života stanovnika Bihaća konstantan je i planski posao koji će na koncu rezultirati jedinstvenim turističkim brendom. Nakon uređenja šetnice do iza Stensa, parka u Midžić mahali, Gradske otoke, plaže Plandište, na red je došla izgradnja drvenih mostova preko Amerikančevih otoka do starog



Higijenskog zavoda, zatim šetnice uz Unu od Karabegovića mlina do Kantonalne i univerzitetske biblioteke i izgradnja Bine na Uni. U narednom periodu plan je još jednim prijelazom preko rijeke Une povezati šetnicu iza Stensa sa Midžić mahalom i tako čitav Smaragdni put spojiti u jedinstvenu kružnu šetnicu u centru grada koja će šetnju uz rijeku Unu pretvoriti u jedinstven doživljaj.

STEPEAN REALIZACIJE:



50%

NOVI PARK ALEJA



U želji da učvrstimo imidž zelenog, turističkog grada nastaviti ćemo aktivnosti na stvaranju novog gradskog parka za odmor i rekreaciju sa mnogobrojnim sadržajima, a koji se prirodno nastavlja na Boriće, staru Aleju i ostale sadržaje sportsko-rekreativne zone Luke. Prema uzoru na plan iz doba Austrougarske, kada je nastao Gradski park i stara Aleja, dugoročna vizija je faznom izgradnjom i hortikulturnim rješenjima dobiti novi veliki gradski park "Aleja". Glavni projekat je u finalnoj fazi izrade, nakon čega će se moći pristupiti faznoj izgradnji, s obzirom da se radi o višemilionskom projektu.

STEPEAN REALIZACIJE:



30%

BIHAĆ VIBRANT CITY

Želimo nastaviti s podrškom aktivnostima Kulturnog centra, Turističke zajednice, Gradske galerije i Nacionalnog parka koji iz godine u godinu povećavaju kvalitet postojećih i kreiraju nove kulturno-zabavne događaje, te još izdašnjom podrškom svim drugim manifestacijama koje organizuju razni drugi kolektivi na području grada Bihaća i tako obogaćuju turističku ponudu. Sve do ostvarenja konačnog cilja strategije "Bihać Vibrant City", odnosno kreiranja imidža "živahnog grada" u kojem se tokom cijele godine održavaju različiti sportski, zabavni, kulturni, vjerski i drugi događaji, festivali i manifestacije.

STEPEAN REALIZACIJE:



80%

SPORTSKO-REKREATIVNI BAZEN "PREKOUNJE"



U proteklom periodu izrađen je glavni projekt, izdata odobrenja za građenje, a u toku je javni tender za odabir izvođača za izgradnju sportsko-rekreativnog bazena u okviru školskog kompleksa "Prekounje", nakon čega će se pristupiti njegovoj izgradnji. Riječ je o sportskom bazenu namijenjenom prvenstveno za rad

s školskom djecom u okviru časova tjelesnog odgoja, škole plivanja te sportskim kolektivima i rekreativcima na lokaciji u vlasništvu JU za sport, odmor i rekreaciju Bihać, na kojoj je postojao bazen prije rata. Izgradnja ovog bazena ne isključuje izgradnju drugog, većeg rekreativno-turističkog bazenskog kompleksa na nekoj drugoj lokaciji u budućnosti.

STEPEN REALIZACIJE:



25%

NOGOMETNI TEREN S UMJETNOM PODLOGOM

U proteklom periodu izrađen je projekt i izdana odobrenja za građenje nogometnog terena s umjetnom travom nakon čega se pristupilo prvoj fazi izgradnje. Ona se odnosi na sve građevinske i pripremne radove, dok je javna nabavka za drugu fazu, koja podrazumijeva nabavku i ugradnju umjetne travnate podloge, u toku. Oni će se nadovezati na prvu fazu radova koji još traju. Kompletne finansijske konstrukcije za ovaj projekat je zaokružena i osigurana sredstvima Grada i FBiH.


STEPEN REALIZACIJE:



50%

ZAPADNA TRIBINA STADIONA NK "JEDINSTVO"

Prostor ispod zapadne tribine gradskog stadiona je predviđen za izgradnju ku-glane, streljane, sportskog hostela, restorana, malih sala za aerobne sportove



itd. Postupak javnog poziva za odabir zainteresiranog partnera i izradu studije opravdanosti, po modelu javno-privatnog partnerstva, trenutno je stopiran zbog neriješenih imovinsko-pravnih odnosa, odnosno blokade državne imovine na državnoj razini vlasti. Po rješavanju tog pitanja proces je u skladu sa Zakonom o javno-privatnom partnerstvu USK-a potrebno nastaviti.

STEPEAN REALIZACIJE:



10%

OSLOBAĐANJE KOMUNALIJA ZA MLADE BRAČNE PAROVE

Na prijedlog gradonačelnika Elvedina Sedića, Gradsko vijeće je u julu ove godine usvojilo izmijenjenu Odluku o građevinskom zemljištu kojom je, između ostalog, uvedeno oslobađanje plaćanja komunalija (naknade za uređenje gradskog građevinskog zemljišta i rente) za mlade bračne parove do 40 godina starosti koji grade stambeni objekt, odnosno prvi put rješavaju svoje stambeno pitanje na području Grada Bihaća.

STEPEAN REALIZACIJE:



100%

PODRŠKA STARTUP BIZNISIMA

U suradnji sa Startup studiom Bihać i drugim nevladinim organizacijama osiguran je fond i stručna pomoć za podršku pokretanju startup biznisa za mlade do 35 godina starosti u okviru lokalne politike prema mladima tokom cijele godine. Tim modelom je podržano nekoliko novih startup biznisa u gradu Bihaću tokom ove godine. Osim toga, u suradnji međunarodnim organizacijama osiguran je fond za Dijaspore invest projekte u kojima Grad Bihać zajedno s partnerima podržava biznise čiji vlasnici ili suvlasnici dolaze iz dijaspore i investiraju u našem gradu. Tu praksu potrebno je nastaviti i u narednom periodu.

STEPEAN REALIZACIJE:



100%

STIPENDIJE ZA STUDENTE I SREDNJOŠKOLCE

U prošloj i tekućoj godini Grad Bihać je osigurao fond, te proveo javne pozive i dodijelio stipendije za deficitarna i ostala zanimanja za uspješne studente s područja Bihaća. Osim što želimo nastaviti s ovom praksom, potrebno je uvesti stipendiranje uspješnih srednjoškolaca čija su buduća zanimanja deficitarna. Tako ćemo potaknuti školovanje za zanimanja za koje postoji istaknuta potreba na tržištu rada u gradu Bihaću.

STEPEN REALIZACIJE:



50%

BESPLATAN PRIJEVOZ ZA SVE ĐAKE PUTNIKE

Do prošle godine u Bihaću se primjenjivao model subvencioniranja troškova autobuskih karata za prijevoz đaka osnovnih škola čije su porodice slabijeg imovinskog stanja. S obzirom na sve manji broj djece u školama, Gradsko vijeće Bihać na prijedlog gradonačelnika Elvedina Sedića usvojilo je Odluku kojom je značajno povećan broj korisnika. Izmijenjeni su i uvjeti za ostvarivanje prava na prijevoz pa sada sve porodice, čija primanja ne prelaze 50% prosječne plate u FBiH po članu domaćinstva, mjesečno mogu steći pravo na refundaciju troškova prijevoza za svoje školare putem Centra za socijalni rad Bihać. Također, u okviru pronatalitetnih politika uvest ćemo praksu isplate jednokratne novčane pomoći porodicama u iznosu 1.000 KM za treće i svako naredno novorođeno dijete.

STEPEN REALIZACIJE:



50%

PROJEKT "BIHAĆ - GRAD DJECE"

Grad Bihać uveo je kontinuiranu podršku udruženjima koja rade s djecom različitih kategorija, poput Centra za djecu bez roditeljskog staranja "Duga" Kulen Vakuf, "Radost druženja", Udruženja djece i mladih oboljelih od dijabetesa, Srca za djecu, te podršku radu dječjih vrtića. Također, gradonačelnik Elvedin Sedić uputio je prema Kantonalnoj vladi inicijativu za subvencioniranje razlike u cijeni za djecu koja pohađaju privatne vrtiće zbog ograničenosti kapaciteta javnih vrtića. Inicijativa

nažalost nije usvojena ali to ne znači da ćemo od nje odustati. Ukoliko u narednim godinama to pitanje ne bude riješeno na nivou Kantona, Grad Bihać će samostalno pristupiti realizaciji ove inicijative te tražiti prebacivanje predškolskog odgoja i obrazovanja na nivo lokalnih zajednica. Također, u okviru projekta "Bihać - grad djece" Grad će pristupiti realizaciji aktivnosti "Dječije igralište u svakoj mjesnoj zajednici".

STEPEAN REALIZACIJE:



50%

NEPROFITNO SOCIJALNO STANOVANJE

U suradnji sa Federalnim ministarstvom za izbjegle i raseljene izgrađena je zgrada sa 30-ak stanova namijenjenih alternativnom smještaju socijalnih kategorija, odnosno za tzv. socijalno stanovanje pod određenim uvjetima. Zgrada je useljiva, a preostao je samo još tehnički prijem objekta i izdavanje upotrebne dozvole. Na taj način će biti oslobođen određen broj stanova kojima raspolaže Grad i koji će također biti iskoristivi za realizaciju projekta socijalnog stanovanja namijenjenog našim sugrađanima slabijeg imovinskog stanja koji nisu u mogućnosti samostalno riješiti svoje stambeno pitanje.

STEPEAN REALIZACIJE:



90%

SIGURNA KUĆA

U saradnji sa Centrom za socijalni rad i međunarodnim organizacijama čija je misija briga o ranjivim kategorijama, u Bihaću se gradi sigurna kuća koja će prižiti zaštitu i stručnu pomoć ženama žrtvama nasilja, maloljetnicima bez pratnje, beskućnicima i drugim ranjivim kategorijama. Zgrada je u finalnoj fazi izgradnje, te će ubrzo biti stavljena u upotrebu.

STEPEAN REALIZACIJE:



90%



DNEVNI CENTAR ZA OSOBE TREĆE ŽIVOTNE DOBI

Centar za zdravo starenje je zamišljen kao dnevni centar namijenjen osobama treće životne dobi. Resursi centra će osigurati zadržavanje najvećeg mogućeg stepena fizičke i psihičke funkcionalnosti i omogućiti zdravo mentalno i fizičko starenje naših najstarijih sugradjana. Grad Bihać je opredijeljen da u suradnji s višim nivoima vlasti i apliciranjem na određene fondove u suradnji sa nevladinim sektorom, uspostavi jedan takav centar. S tim u vezi, Vlada FBiH je dodijelila na korištenje Gradu oronuli objekt bivšeg restorana "Crvena zvijezda". U tu svrhu je izrađen idejni projekat rekonstrukcije spomenutnog objekta.

STEPEN REALIZACIJE:



20%


**Pored započetih projekata,
u predstojećem mandatnom
periodu planirane aktivnosti
i projekti trebaju poboljšati
funkcionisanje grada i njegovih
usluga građanima.**



**Pokret za Modernu
i Aktivnu Krajinu**


PROJEKAT UNAPOLIS

Projekt "Unapolis" („Grad na Uni“) je projekt platforme "Kultivator" čijoj realizaciji ćemo pristupiti u predstojećem mandatnom periodu. Projekt "Unapolis" je zajednički naziv za skup manjih i većih projekata, ideja, renovacija i intervencija u prostoru u već definiranoj matrici grada, na postojećim ulicama, fasadama i bitnim gradskim prostorima s ciljem stvaranja zdravije, ugodnije, uspješnije i održivije sredine. Realizacija ovog projekta znači redefiniciju, (re) brandiranje i repozicioniranje grada sukladno kontekstu turbulentnih višedecenijskih promjena. Kroz ovaj projekat fokus je stavljen na urbano područje Bihaća s nizom definiranih tačaka u prostoru (par karakterističnih tačaka), a krajnji cilj je proširenje obuhvata, promišljanje i stvaranje koncepta „Smaragdne linije“, koja bi u budućnosti povezivala naselja na Uni sa svim svojim historijskim, infrastrukturnim, prirodnim i kulturnim naslijeđem. Projekt "Unapolis" se sastoji od 27 projekata i zahvata u prostoru, od uređenja centra grada, preko kontakta grada i Une, do povezivanja s mahalama, kvartovima i periferijom.



ATLETSKA STAZA

Bihačka petica, utrka koja se unazad pet godina održava uoči nove godine, pokazala nam je da naš grad ima veliki broj rekreativaca i nekoliko profesionalaca koji učestvuju na maratonima širom regije i Evrope. Osim toga aktivno djeluje i Atletski klub sa oko 100 članova, uglavnom djece. Stoga se pokazala potpuno prihvatljivom ideja da u budžetu Grada predvidimo 600.000 KM za izgradnju atletske staze na stadionu NK "Jedinstvo", što će biti dovoljan iznos za realizaciju prve faze radova, koji podrazumijeva sve građevinske radove do postavljanja tartan podloge. Ostatak sredstava potrebnih za finalizaciju ovog projekta ostvarili smo apliciranjem na višim nivoima vlasti. Tako je lista kapitalnih projekata iz oblasti sportske infrastrukture dopunjena ovim važnim segmentom. Za ovaj projekat izrađena je projektna dokumentacija i pribavljena odobrenja za građenje, a trenutno je u toku procedura javne nabavke za odabir izvođača radova za prvu fazu projekta.



DRUŠTVENO POTICANA STANOGRADNJA

Društveno poticanom stanogradnjom želimo sistemski urediti poticanu izgradnju stanova javnim sredstvima radi zadovoljavanja stambenih potreba i poboljšanja kvalitete stanovanja što šireg kruga naših građana. Provodi se izgradnjom stanova, odnosno stambenih zgrada, organiziranom na način kojim se ostvaruje svrhovito korištenje javnih i drugih sredstava za pokriće troškova, osigurava povrat tih sredstava, te omogućuje najam stanova uz povoljne uslove, pristupačnije od tržišnih u pogledu visine najma/kirije, te omogućuje formiranje tzv. revolving fondova kojima bi se finansirala daljnja izgradnja stanova odnosno stambenih zgrada. Korisnici su prvenstveno mladi bračni parovi koji prvi put rješavaju stambeno pitanje, te deficitarni radni kadar, čime osiguravamo ostanak mladih ljudi u našem gradu,

ali i istovremeno stvaramo povoljan ambijent za dolazak deficitarne radne snage iz oblasti zdravstva, obrazovanja, privrede...

DIGITALIZACIJA JAVNE UPRAVE

Grad Bihać sklopio je Sporazum sa IDEEA o međusobnom ustupanju i razmjeni podataka radi bržeg i jednostavnijeg pružanja usluga građanima (CIPS, izvodi iz matičnih knjiga), te počeo projekat e-dozvole (urbanističke, građevinske) sa USA-ID-om za koji je u toku obuka uposlenika Gradske uprave i tehničko opremanje. To su prvi koraci ka digitalizaciji usluga u cilju omogućavanja bržeg i efikasnijeg pružanja usluga i povećanja zadovoljstva korisnika. U toku su pripreme za uvođenje elektronskog plaćanja administrativnih taksi i izdavanje izvoda iz matičnih knjiga te digitalizacija registra: imovine grada, odobrenja za građenje, odobrenja za upotrebu, vodnih akata i akata iz oblasti privrede.

SUZBIJANJE PROBLEMA NAPUŠTENIH PASA

Nekoliko je ključnih aspekata kojim ćemo se posvetiti u narednom periodu u cilju suzbijanja problema napuštenih pasa. To su kontinuirane planske akcije sterilizacije i kastracije vlasničkih i napuštenih pasa, jačanje komunalne inspekcije Grada Bihaća i sankcionisanje neodgovornih vlasnika koji izbjegavaju obavezu kastracije, sterilizacije i čipovanja, a nisu profesionalni uzgajivači u skladu Odlukom o načinu držanja i čuvanja kućnih ljubimaca, te značajno proširenje kapaciteta i poboljšanje uvjeta postojećeg privremenog prihvatišta na Gorjercu u suradnji sa partnerskim nevladinim organizacijama.


ZAŠTITA OBALA RIJEKE UNE

Svaka strategija razvoja grada Bihaća naslonjena je na jedinstvene prirodne ljepote rijeke Une. Ta jedinstvenost je ugrožena bespravnom gradnjom i nesavjesnim ponašanjem pojedinaca. Prekrajanjem i betoniranjem obala rijeke Une "sijećemo granu na kojoj sjedimo" i to se mora zaustaviti. U narednom periodu ojačat ćemo Gradsku građevinsku inspekciju u čijem sastavu će biti poseban odsjek za zaštitu rijeke Une sa građevinskim inektorima zaduženim isključivo za taj segment. U saradnji sa Federalnom upravom za inspeksijske poslove naglasak ćemo staviti na zaštićeno područje Nacionalnog parka "Una". Posebnu pažnju posvetit ćemo edukaciji javnosti o važnosti očuvanja obala rijeke Une i dozvoljenim načinima zaštite obala.

KAPITALNI PROJEKTI OD STRATEŠKE VAŽNOSTI ZA BIHAĆ I KRAJINU

JP Ceste FBiH u narednom periodu na području Bihaća završit će devijaciju puta Armije BiH, rekonstrukciju magistralne ceste u Jablanskoj ulici, izgradnju čvorišta Jablanska - Mali Lug i ceste prema Srbijanskom platou s tri kružna toka, nastaviti rekonstrukciju Ulice I. Ljubijankića s kružnim tokom, priključiti PZ Kombiteks na Banjaalučku ulicu, izdići magistralnu cestu u Kostelama, te započeti izgradnju zaobilaznice Izačić - Bihać.

Strateški projekti za razvoj Krajine koji su ključni za o(p)stanak ovog dijela BiH su: magistralna cesta Bihać - Bos. Krupa, brza cesta Bihać - Cazin - V. Kladuša i Aerodrom Bihać. To su projekti koji bi bili motor privrednog razvoja cijelog Unsko – sanskog kantona i vjerujem da u vezi njih već postoji politički konsenzus u Krajini.






Svjesni smo da oni ne mogu biti realizirani u jednoj godini, ali ukoliko bude političke volje i razumijevanja u mandatu trenutne Vlade FBiH, dobrim dijelom, zasigurno mogu. To je nešto na čemu moramo nastaviti glasno insistirati. To smo dužni budućim generacijama.


POMAK

Pokret za Modernu
i Aktivnu Krajinu


Korisni linkovi



www.pomak.ba



Facebook
stranica
POMAK-a



Facebook
stranica
Elvedin Sedić



Pokret za Modernu
i Aktivnu Krajinu